

provadi; *etiam* fo mal fato. E cussi sier Gasparo Malipiero tolto in Gran Consejo non fo provà, dicendo à do officii con pena. Fu fato *etiam* eletion di do dil Consejo di X, e niuno passoe, *imo* fu in ultima balotato solo sier Lazaro Mozenigo, fo Consier, contra la forma di la leze, però che la prima volta non passava di do balote: havia 557, 561, e l'altra ave 547, 560. Il Consejo si sdegnò e non lo lassò passar.

A dì 5. La matina, vene in Colegio el Serenissimo Principe nostro vestito con manto di scarlato, et fo *letere di Milan, dil Secretario, di. . . , et di Franza, di l' Orator nostro, da Bles, di 21*; il sumario, potendo saper per non esser al presente in Pregadi, scriverò di soto.

Vene sier Jacomo Michiel, stato capitano a Brexa, vestito damaschin cremexin di varo, acompagnato da' suoi parenti, et referite di quelle cosse di Brexa, di la camera e di le fabriche. Laudato etc.

Da poi disnar, fo Consejo di X e fo comandà i Savii, et introe sier Zuan Trivixan savio di Terra ferma, et fono sopra il far di la Zonta al Consejo di X, però che sier Lucha Trun Cao di X voria redur la reputation dil Consejo di X come era prima e non sia tanti di Zonta, e non una Zonta sola, ma più Zonte; e li Procuratori, che non sono di Zonta, non entri si non quando i sarano chiamati. *Item*, cazar li papalisti e altre cosse far. È soi compagni Cai di X: sier Jacomo Badoer et sier Zuan Venier. Il Doxe vi fu, *licet* eri suo fiol fusse sepulto, e feno gran disputazion; *tamen* preseno far la Zonta il primo Consejo di X.

È da saper: l'altro eri, reduto il Consejo di X semplice et cazado sier Anzolo Trivixan, per esser papalista, erano *solum* 7 dil Consejo di X, fo proposto, per sier Lucha Trun Cao di X, di far una Zonta nova per tratar una materia, se li papalisti dieno esser cazadi overo non. Et cussi fo presa la dita parte di farne XV, e fo comenza a farli et ne rimase alcuni, et ozi fo compita di farli. Et sier Zuan Marzello, uno di eletti di Zonta, essendo rimaso dil Consejo di X ordinario, non fo fato altri; sichè fono numero 14, et fo comandà il Colegio di Savii, siccome ho scripto di sopra. Ma sier Antonio Grimani procurator et sier Zuan Trivixan non introe, et sier Zorzi Corner el cavalier procurator non fu comandato per esser papalista. Hor quelli fo di la Zonta sassano notadi qui soto; *etiam* li Consieri e quelli dil Consejo di X.

El Serenissimo.

*Consieri.*

Sier Francesco Foscarei.  
Sier Andrea Foscarini.  
Sier Andrea Basadona.  
Sier Marin Zorzi dottor.  
Sier Sebastian Moro.

*Cai dil Consejo di X.*

Sier Jacomo Badoer.  
Sier Luca Trun.  
Sier Zuan Venier.

*Dil Consejo di X.*

Sier Piero Capello, savio dil Consejo.  
Sier Michiel Salamon.  
Non. Sier Anzolo Trivixan.  
Sier Zulian Gradenigo.  
Sier Zuan Marzello.

*La Zonta.*

Sier Alvise da Molin procurator.  
Sier Domenego Trivixan cavalier, procurator.  
Sier Zorzi Emo procurator.  
Sier Andrea Griti procurator.  
Sier Marco Donado.  
Sier Lunardo Mocenigo.  
Sier Alvise Dolfin.  
Sier Alvise Grimani.  
Sier Alvise di Prioli, savio dil Consejo.  
Sier Francesco Bragadin, savio dil Consejo.  
Sier Batista Erizo.  
Sier Hironimo da Pexaro.  
Sier Vettor Michiel.  
Sier Carlo Contarini qu. sier Baptista.

*Avogadori.*

Sier Francesco Morexini.  
Sier Marco Antonio Contarini.  
Sier Mafio Lion.